


焦氏易林

一四



易林卷第十四

三三

巽上  
艮下

漸

別離分散長子從軍稚叔就賊寡老  
獨居莫爲種瓜

無註

之乾

旦種菽豆暮成藿羹美心之所願志快

意愜

無註

坤

杜飛門啓憂患大解不爲身禍

一作修福行善不爲身禍

屯

東山西山各自止安雖相登望竟未

同堂

無註

蒙

衆鳥所翔中有大恠九身無頭魂驚  
魄去不可以居

未詳

需

交侵如亂民無聊賴追我濟西敵人  
破陣

我當作我春秋莊公十八年公追



戎于濟西公羊傳曰此未有言伐  
其言追何大其為中國追也

訟

麟鳳所翔國無咎殃賈市十倍復歸

惠鄉

無註

師

鑿井求玉非卞氏室身困名辱勞無

所得

里奚車秦靈妹車齊

卞和得玉璞獻楚懷王王以爲欺

斬其一足

寶貝王百里奚漁鮒

比

文山鴻豹肥脂多脂王孫獲願載福

魏魏

烈之類天下安寧所壽四十餘

無註

小畜

之類所壽四十餘

周成之隆刑錯除凶太宰費石君子  
作人

成康之際天下安寧刑措四十餘  
年不用太宰即冢宰周公也

履

珪璧琮璜執贄見王百里審戚應聘  
齊秦

百里奚事秦審越事齊

泰

穿空漏徹破壞我缺陶弗能治瓦甃  
不鑿

無註

否

鴻飛循陸公出不復伯氏客宿

詩豳風九罭篇云鴻飛遵陸公歸

不復於汝信宿

同人

蝦蟇群聚從天請雨雲雷運集應其願所

無註

大有

老弱無子不能自理為民所憂終不離咎管子治國侯伯賓服乘輿八百尊我恒德

管子即管仲相桓公霸諸侯

謙

蟠梅折枝與母別離絕不相知不具

無註

豫

盛中不絕衰者復擬盈滿減虧癡蠢  
肥脂鄭昭失國重耳興立一云盛去  
必衰羸去却肥鄭昭失國重耳得時

春秋桓十一年鄭莊公卒昭公入  
嗣立至十七年遇弑重耳晉文公  
名僖公二十四年入殺懷公而立  
遂霸諸侯

隨

聞虎入邑必欲逃匿無據易德不見  
養菽終無憂慝

無註

盪

隨時逐便不失利門多獲得福富於  
封君

無註

臨

禹作神鼎伯益銜指斧斤既折撞立  
獨倚賣萬不讎枯槁為禍

禹分九州收天下美銅鑄為九鼎



以象九州伯益舜之虞官禹嘗薦  
益於天後益避位箕山天下之人  
不歸益而歸啓

觀

春鴻飛東以馬質金利得十倍重載

歸鄉

無註

噬嗑

金齒鐵牙壽考宜家年歲有儲貪利  
者得雖憂無咎

無註

賁

膏澤沐浴洗去污辱振除災咎更與  
福處

周禮九德之歌九韶之舞所謂沐  
浴膏澤而歌詠勤苦者也

剝

履階登墀高登峻魏福祿洋溢依天之威

無註

復

坤厚地德庶物蕃息平康正直以綏大福

易坤卦坤厚載物德合無疆



頤

一尋百節綢繆相結其指詰詘不能

解脫

無註

大過

鷹鷂獵食雉兔困急逃頭見尾為害  
所賊

無註

坎

危坐至暮請求不得膏澤不降政戾

民惑

無註

離

剛柔相呼二姓爲家霜降旣同惠我

以仁

無註

咸

慈母念子饗賜得士蠻夷來服以安

王國

無註

恒

良夫孔姬脅懼登臺樂季不扶衛輒

走逃

按春秋左傳孔伯姬與其豎渾良

夫爲荆贖劫孔悝登臺衛亂李路  
死焉衛輒奔宋

遜

子長忠直李氏爲賊禍及無嗣司馬

失福

子長司馬遷也因言李陵事遂下

蚕室

大壯



節度之德不涉亂國雖昧無光後大  
受慶

無註

晉

駟羊南行與禍相逢狼驚我馬虎盜  
我子悲恨自咎

無註

明夷

尼父孔丘善釣鯉魚羅釣一舉得獲  
萬頭富我家居

史記世家曰孔子名丘字仲尼少  
貧賤爲養與祭或不得已而釣弋

蹇

敏捷極疾如猿集木形弓雖調終不  
能獲

無註

睽

設罟捕魚反得居諸負困竭忠伍氏  
夷誅

負伍子胥名春秋哀公元年吳子  
夫差伐越許越行成子胥諫弗聽  
十一年吳將伐齊負諫夫差弗聽  
賜屬鏹之劍以自死

家人

大根不固華葉落去更為孤嫗

無註

解

冠帶南遊與福相期徼於嘉國拜為  
逢時

無註

損

年豐歲熟政仁民樂祿人獲福

無註

益

築闕石顛立基泉源疾病不安老孤

無鄰

無註

夫

逐狐東山水過我前深不可涉失利

後便

無註

達

麟子鳳雛生長嘉國和氣所居康樂  
溫仁邦多聖人

無註

萃

西行求玉冀得瑜璞反得凶惡使我

驚感

瑜玉之美者

升

心狂老悖聽視聾盲正命無常下民  
多孽

無註

困

南國少子才略美好求我長女賤薄  
不與反得醜惡後乃大悔

無註

井

逶迤高原家伯妄施亂其五官

家伯周幽王臣詩曰皇父卿士蕃  
維司徒家伯爲宰言幽王所以致  
變異者由小人用事於外也小人  
指家伯而言

革



謝恩拜德東歸吾國歡樂有福

無註

鼎

雞鳴同舉思配無家執珮持鳧無所

致之

無註

震

凶重憂累身受誅罪神不能解

無註

良

虎豹熊羆遊戲山谷仁賢君子得其所欲

無註

歸妹

海隅遼右福祿所在柔嘉蒙祉九夷

何咎

語云子欲居九夷註云東方之夷  
有九種

豐

華首之山仙道所遊利以居止長無  
咎憂

泰華首陽皆山名泰華踞中土西  
偏謂之西嶽軒帝遊焉伯夷叔齊  
隱于首陽之下

旅

甲乙戊庚隨時轉行不失常節萌芽  
律屈咸達生出各樂其類

無註

巽

跛躓未起失利後市不得鹿子

無註

兌

兌卦自負不去兌下血出於山

怙恃自負不去於下血從地出誅罰

失理

無註

渙

江河淮海天之都市商人受福國家

饒有

無註

節

節情省慾賦歛有度家給人足利以  
富貴

無註

中孚

牝牛鳴咷呼求其潦雲雨大會流成

河海

無註

小過

日月之塗所行必到無有患故

無註

既濟

乘風而舉與飛鳥俱一舉千里見吾

愛母

無註

未濟

陰醜陽爭卧木反立君子攸行喪其

官職

無註

☳

兌下震上歸妹

堅冰黃裳鳥哀悲愁不見白粒但覩  
藜蒿數驚鷺鳥為我心憂

易曰履霜堅冰至又曰黃裳元吉

之乾

荆木冬生司寇緩刑威權在下國亂



且順

書周官司寇掌邦禁詰姦慝刑暴  
亂

坤

喘牛傷暑弗能成畝草萊不闢年歲  
無有

世說滿奮畏風坐武帝琉璃屏內  
奮有寒色帝問之曰臣如吳牛見

月而喘註牛畏日暑見月疑是日  
故喘

屯

魚欲負流衆不同心至德安樂一云  
潛伏

無註

蒙

春耕有息秋入利福獻豳大縱以樂

成功

豳風詩云三之日于耜四之日舉趾又曰九月築場圃十月納禾稼四章曰言私其豨獻豨于公註云豨一歲豕豨三歲豕也

需

生有聖德上配太極皇靈建中授我以福

詩曰克配彼天莫匪爾極言后稷  
之德真可配天使我蒸民得以粒  
食者莫非其德之至也書曰建中  
于民又曰歛時五福用敷錫厥庶  
民言建中者立中道於天下也中  
者天下之所同有然非君建之則  
民不能以自中而禮義者所以建  
中者也

訟

右撫琴頭左手援帶凶訟不已相與  
爭戾失利而歸

無註

師

炙魚枯斗張伺夜鼠舌不忍味機發  
爲崇竿不得去

無註

比

申酉說服牛馬休息君子以安勞者  
得權

無註

小畜

堯門尹爵聖德增益使民不疲安無  
怵惕

尹治也正也

履

孤公寡婦獨宿悲苦目張耳鳴莫與

笑語

無註

秦

外得好畜相與嫁娶仁賢集聚諮詢  
厥事傾奪我城使家不寧

無註

否

煎砂盛暑鮮有不朽去河三里敗我  
利市老牛盲馬去之何悔

無註

同人

甲乙戊庚隨時轉行不失常節萌芽  
律屈咸達出生各樂其類

無註



大有

依宵夜遊與君相遭除解煩惑使心  
不憂

無註

謙

死友絕朋巧言為讒覆白污玉顏叔  
哀暗

未詳

豫

逐利三年利走如神  
輾轉東西如鳥避丸

輾當作輾

隨

隄防壞決河水放逸  
傷害稼穡居孤獨  
宿沒溺我邑

無註

壘

陰陽隔塞許嫁不答旄丘新臺悔往  
歎息

旄丘新臺皆詩篇名旄丘責衛之  
不能救黎新臺刺宣公不循乎禮  
也

臨

伯夷叔齊貞廉之師以德防患憂禍

不存

伯夷叔齊孤竹君之二子武王伐紂叩馬而諫義不食周粟隱于首陽山孔子曰伯夷叔齊餓于首陽之下民到于今稱之

觀

陽爲狂悖拔劍自傷爲身生殃

無註

噬嗑

進士爲官不若復田獲壽保年

無註

賁

耕石不生弃禮無名縫衣失鍼襦袴  
弗成

無註

剝

靈龜陸處一旦失所伊子復耕桀亂  
無輔

伊尹耕於有莘之野湯聘之進於  
桀桀不能用復歸于湯

復

室當源口溺漂爲海財產單盡食衣  
無有

無註

無妄

雞方啄粟為狐所逐走不得食惶懼  
喘息

無註

大畜

家在海隅繞旋深流豈敢憚行無木  
以趨

無註

頤

他山之儲與環爲仇來攻我城傷我  
飢膚國家騷憂

飢當作肌

大過

弊鏡無光不見文章少女不嫁弃於  
其公

無註



坎

大虵巨魚相搏於郊君臣隔塞郭公

出廬

春秋狄人伐衛衛立戴公廬曹

郭當作戴

離

絕世無嗣福祿無存精神渙散離其  
躬身

無註

咸

文君之德養仁致福年無胎夭國富  
民實憂者之望增參盜息

此言文王之德蓋周家積功累仁  
歛時五福民無夭札國家阜豐人  
安盜息焉增參未詳

恒

合歡之國喜爲我福東嶽南山朝躋

成息

東嶽五嶽之一南山即南嶽衡山

遯

憂人之患履悖易顏爲身禍殘率身  
自守與喜相抱長子成老封受福祉

無註

大壯

太公避紂七十隱處卒受聖文為王

室輔

初太公隱于屠釣後遇文王遂興  
周室

晉

江漢上流政逆民憂陰伐其陽雌為  
雄公

無註

明夷

縮緒亂絲舉手為災越畝逐兔喪其

衣袴

無註

家人

臭穢腐水與狼相輔亡夫失子憂及

父母

無註

睽

割羊不當女執空筐兔跛鹿踦緣山  
墜墮譏佞亂作

易歸妹上六女承筐無實士割羊  
無血無攸利傳曰女當承事筐篚  
無實則無以祭士割羊無血亦無  
以祭也

蹇

拔劍傷手見敵不善良臣無佐國憂

爲咎

無註

解

三羖五牂相隨俱行迷入空澤循谷  
直北經涉六駁爲所傷賊

無註

損

爭雞失羊亡其金囊利得不長陳蔡

之患賴楚以安

史記孔子在陳蔡之間楚使人聘  
之孔子將往拜禮陳蔡大夫謀曰  
楚若用孔子則陳蔡大夫危矣於  
是乃相與發徒圍孔子於野不得  
行絕糧使子貢至楚楚昭王興師  
迎孔子然後得免

益



三驪負銜南並取香秋蘭芬馥盈滿  
神匱利我仲季

無註

夫

孟夏巳丑哀呼尼父明德訖終亂虐  
茲起

春秋哀公十六年四月巳丑孔子  
卒

始

履不容足南山多華家有芳蘭乃無  
病疾

無註

萃

三足無頭弗知所之心強睛傷莫使  
爲明不見月光

無註

升

戴堯扶禹松喬彭祖西過王母道里  
夷易無敢難者

堯唐帝名禹夏禹姒姓赤松王喬  
彭祖皆古仙人名王母亦神仙也

困

式微式微憂禍相絆隔以崑山室家  
分散

式微詩篇名黎侯寓于衛其臣勸  
以歸也

井

靈龜陸處一旦失所伊子復耕桀亂  
無輔

伊尹耕於有莘之野湯聘之進於  
桀桀不能用復歸于湯

革

仁德覆洽恩及異域澤被殊方禍災  
隱伏蚕不作室寒無所得

無註

鼎

夏麥麩麩霜擊其芒疾君敗國使年

天傷

麩音孚麩古猛切

震

火雖熾在吾後寇雖多出我右身安  
吉不危殆

無註

良

遠遼絕路客宿多悔頑囂相聚生我  
畏惡

無註

漸

懸懸南海去家萬里飛兔裏駿一日  
見母除我憂悔

無註

豐

困而後通雖危不窮終得其願姬姜  
相從

周公姬姓太公姜姓周公以二叔  
流言居東山太公避紂釣于渭濱

旅 二人同輔周室

西賈巴蜀寒雪至轂欲前不得還反  
室屋

巴蜀地名也

巽

作新初陵爛陷難登三駒摧車躓頓

傷頤



無註

允

延頸望酒不入我口深目自苦利得  
無有幽人悅喜

無註

渙

仲春孟夏和氣所舍生我喜福國無  
殘賊

無註

節

張羅捕鳩兔離其災雌雄俱得為罝  
所賊

無註

中孚

三人俱行一人言北伯仲欲南少叔  
不得中路分爭道闢相賊

無註

小過

然諾不行欺給誤人使我露宿夜歸  
溫室神怒不直鬼欲求獨刺擊其目  
反言自賊

無註

既濟

陳辭達誠使安不傾增祿益壽以成

功名

無註

未濟

火燒公床破家滅亡然得安昌先憂  
重喪

無註



離下  
震上  
豐

諸孺行賈經涉大阻與杖為市不憂

危殆利得十倍

無註

之乾

鼎足承德嘉謀生福爲王開庭得心

所欲

無註

坤

曳綸河海釣挂魴鯉王孫利得以饗

仲友

無註

屯

東山臯洛畔逆不服興師征討恭子  
敗覆

按春秋魯閔公二年晉侯使太子  
申生伐東山臯落氏僖公二年驪  
姬譖申生十二月戊申縊于新城

蒙

千里駢駒爲王服車嘉其麗榮君子  
有成

無註

需

二龍北行道逢六狼暮宿中澤爲禍  
所傷

無註

訟

天災所遊凶不可居轉徙獲福留止  
危憂

無註

師

狐狸雉兔畏人逃去分走竄匿不如  
所處

如當作知



比

兩師娶婦黃巖季女成禮既婚相呼  
南去膏潤下土年歲大有

博物志曰太公爲灌壇令武王夢  
婦人當道夜哭問之曰吾是東海  
神女嫁於西海神童今爲灌壇令  
當道廢我行我行必有大風疾雨  
武王覺召太公問之果有疾風暴

兩從太公邑外過

小畜

外栖野鼠與雞爲伍瘡痍不息即去  
其室

無註

履

天命絕後孤傷無主彷徨兩社獨不  
得酒

兩社春與秋二社祭也

泰

鵠思其雄欲隨鳳東順里羽翼出次  
須日中苗北邑復反其室

前卦里作理苗作留

否

蜚虵九子長尾不殆均明光澤燕自  
受福

未詳

同人

日走月步趨不同舍夫妻反目君主  
失國

易小畜卦輿脫輹夫妻反目

大有

宣房戶室枯期除毒文德淵府害不

能賊

無註

謙

宣武內室胡陳制毒文刻版所害亦

大齊東郭盧嫁於洛都駿良美好謀利

過倍

亦首佳興與歸夫寔又目

夫齊棠公之妻東郭偃之姊也

豫

日衣月老誠不同合夫妻又目世主

病篤難醫和不能治命終期訖下即

蒿里

精

春秋晉侯有疾求醫於秦使醫和  
視之曰疾不可爲也公遂卒蒿里  
挽歌也

隨

開廓緒業王迹所起姬德七百報以  
八子

春秋定公四年傳云武王之母弟  
八人周公為太宰康叔為司寇聃

季爲司空五叔無官五叔即管蔡  
成霍毛也周定鼎郊鄜卜年七百  
卜世三十

蠱

豐年多儲江海饒魚商客善賈大國  
富有

無註

臨

鵠求魚食過彼射邑  
增加我頭繳掛  
羽翼欲飛不能爲羿  
所得

羿古之善射者

觀

望城抱子見邑不殆  
公孫上堂大君

歡喜

無註

噬嗑



左指右麾邪淫侈靡執節無良靈公  
以亡

按左傳陳靈公通于夏姬遂為徵  
舒所害

賁

日中為市各持所有交易資賄函珠  
懷寶

周易繫辭日中為市致天下之民

聚天下之貨交易而退各得其所  
蓋取諸噬嗑

剝

山没丘浮陸爲水魚鸞雀無廬

無註

復

馬服長股宜行善市蒙祐諧偶獲利  
五倍終日在市詰朝獲利既享嘉福

得之以義

無註

無妄

三狸捕鼠遮遏前後死於環域不得

脫走

無註

大畜

鬼舞國社歲樂民喜臣忠於君子孝

於父

古者國有大社祀用仲春上戊戊  
屬土也

頤

慈母望子遙思不已久客外野我心  
悲苦

無註

大過

兩師娶婦黃巖季子成禮既婚相呼  
南去膏潤下土年歲大有

博物志曰太公為灌壇令武王夢  
婦人當道夜哭問之曰吾是東海  
神女嫁於西海神童今為灌壇令  
當道廢我行我行必有大風疾兩  
武王覺召太公問之果有疾風暴  
雨從太公邑外過

坎

百狗同室相噬爭食枉矢西流射我  
暴國高宗鬼方三年乃服

周易既濟卦九三爻曰高宗伐鬼  
方三年克之小人勿用

離

早霜晚雪傷害禾麥捐功弃力飢無  
可食

無註

咸

腐臭所在青蠅集聚  
辯變白黑敗亂  
邦國君爲臣逐失其寵祿

詩青蠅篇營營青蠅止于棘  
讒人罔極此言幽王聽讒敗國後被犬  
戎所逐

恒

牽羊不與心戾旋聞言語不畜誤紹  
丈人

未詳

遜

甘忍利瘡還相克賊商子造刑鞭喪  
厥身

秦孝公用衛鞅定變法之令封鞅  
商於十五邑號曰商君及惠公立



車裂以徇鞅

大壯

剗羊不當女執空筐兔跛鹿躋緣山  
墜墮

周易歸妹上六女承筐無實士剗  
羊無血無攸利傳曰女當承事筐  
筐無實則無以祭士剗羊無血亦  
無以祭也

晉

齧齧齧貧鬼相責無有懽怡一日

九結

齧王篇無齧倪結切噬也

明夷

兩足四翼飛入嘉國寧我伯姊與母  
相得

無註

家人

天山紫芝雍梁朱草長生和氣王以  
爲寶公尸侑食福祿來處

芝靈草土和則生朱草百草之精  
也王者德無所不通則生食之令  
人不老又鳧鷖詩公尸燕飲福祿  
來成

睽

絕世遊魂福祿不存精神渙散離其  
躬身

易繫辭精氣為物遊魂為變

蹇

北辰紫宮衣冠立中含和建德常受  
大福

北辰北極天之樞也按漢天文紫  
宮為皇極之居中立而四方之所

取正焉

解

伯蹇叔瘖莫與守株矢我衣裘代爾

陰鄉

未詳

損

兩女共室心不聊食首髮如蓬憂常  
在中

代  
無註

益

去辛就藜毒愈苦甚避穽遇坑憂患

日生

無註

夫

初病終凶季爲死喪不見光明

無註

姤

三鳥飛來自到逢時俱行先至多得

大利

無註

萃

鹿食山草不思邑里雖久無咎

無註

升

羊腸九縈相推稍前止須王孫乃能  
上天

趙險塞名其形屈辟如羊腸

困

管仲遇桓得其願權膠牢振寇寇帶  
無憂笑戲不莊空言妄行

鮑叔舉管仲於齊桓公任以爲相  
寇當作冠



井

桀跖並處民困愁苦行旅遲遲留連

齊魯

無註

革

魂孤無室銜指不食盜張民餌見敵

失福

無註

鼎

讒言亂國覆是爲非伯竒乖難恭子  
憂哀

伯竒尹吉甫之子以後母之譖而  
被黜恭子即申生晉獻公之子亦  
以驪姬之讒而見逐焉

震

衛侯東遊惑於少姬亡我考妣久迷

不來

未詳

良

雞鳴同興思邪無家執珮持鳧莫使  
致之

無註

漸

義不勝情以欲自榮覬利危寵摧角

折頸

無註

歸妹

臣尊主卑擁力日衰侵奪無光三家  
逐公

春秋昭公二十五年九月戊戌伐  
季氏叔孫氏孟氏救之三家反攻  
公己亥公孫于齊次于陽州

旅

叔仲善賈與喜爲市不憂危殆利得  
十倍

無註

巽

六虵奔走俱入茂草驚於長路畏懼  
啄口

無註

允

水壞我里東流爲海鳥鼃謹囂不得  
安居

鼃音蛙

渙

飛不遠去卑斯內侍祿養未富

無註

節

陰變為陽女化為男治道大通君臣  
相承

無註

中孚

踐履危難脫厄去患入福喜門見誨  
大君

無註

小過

罟密網縮動益蹶急困不得息

無註

既濟

負牛上山力劣行難烈風雨雪遮遏  
我前中道復還

無註

未濟

喁喁嘉草思降甘雨景風升上沾洽



時澍生我禾稼

無註

三三  
離上  
艮下  
旅

羅網四張鳥無所翔  
征伐困極飢窮  
不食

無註

之乾

寄生無根如過浮雲  
立本不固斯須

落去更爲枯樹

無註

坤

人無定法緩降牛出虵雄走趨陽不  
制陰宜其家國

未詳

屯

衆鳥所聚中有大怪九身無頭魂驚

魄去不可以居

未詳

蒙

封豕溝瀆灌瀆國邑火宿口中民多  
疾病

春秋昭公七年昔有仍氏生女樂  
正后夔取之生伯封實有豕心貪  
婪無厭謂之封豕

需

奮翅鼓翼翱翔外國逍遙徙倚來歸  
温室

無註

訟

秋蚕不成冬種不生殷王逆理弃其  
寵榮

殷紂無道罷萬民之力遂亡其國

師

衛侯東遊惑於少姬忘我考妣久迷  
不來

未詳

比

鳥合卒會與惡相得鷓鴣相酬為心  
所賊

鷓鴣鷓鴣惡鳥攫鳥子而食者也

小畜

鳴雞無距與鵲格鬪翅折目盲爲仇  
所傷

無註

履

木生內蠹下上相賊禍亂我國

無註

泰

延陵適魯觀樂太史車駢白顛知秦  
興起卒兼其國一統爲主

史記吳季札號延陵季子聘上國  
觀樂于周詩有車鄰鄰有馬白顛  
鄰鄰車聲白顛額有白毛是時秦  
始有車馬故知其興起也

否

輔相之好無有休息時行雲集所在

遇福

無註

同人

床傾簣折屋漏垣缺季姬不愜

無註

大有

東入海口循流北走一高一下五色

無主七日六夜死於水浦



無註

謙

群需入邑求索肉食大人御守君不  
失國

無註

豫

四亂不安東西爲患退身止足無出  
邦域乃得完全賴其生福

無註

隨

叔肸抱冤祁子自邑乘遽解患羊舌  
以免賴其福全

按春秋叔肸即叔向祁子即祈奚  
羊舌虎叔向弟也晉范宣子殺虎  
囚向祈奚聞之乘駟而見宣子言  
叔向之善宣子悅言諸公而免之

蠱

延頸望酒不入我口深目自苦利得  
無有

無註

臨

仁政之德恭恭日息成都就邑人受  
厥福

無註

貴

生角有尾張孽制家排羊逐狐張氏  
易公憂禍重凶

無註

噬嗑

教羊逐兔使魚相捕任非其人費日  
無功

無註

觀

牽頭繫尾詘折幾死周世無人不知  
所歸

無註

剝

去安就危墜陷井池破我玉瑤

瑤石似玉詩傳佩玉瓊瑤

復

茹芝餌黃塗飲玉英與神流通長無

憂凶

無註

無妄

體重飛難未能越關

無註

大畜

巢成樹折傷我彝器伯踳叔跌亡羊

乃追

無註

頤

六人俱行各遺其囊黃鵠失珠無以

爲明

無註

大過

蟠梅折枝與母分離絕不相知

無註

坎

迎福開戶喜隨我後曹伯愷悌為宋

國主

春秋宋以曹師殺子游立桓公

離

既癡且狂兩目又盲蹠踞啞喑名為

無中



無註

咸

咸謂兼且球兩目又言期謂聖音

輜

金梁鐵柱千年牢固完全不腐聖人

安處

林宋必曹朝建子南左詩公

圖無註

恒

恒也謂開文喜劇為對曹白對對為宋

大

裏糗荷糧與跣相逢欲飛不得為罔

所獲

與此母分歸絕不相知

糗糒也熬米麥爲之

遯

彭名爲妖暴龍作災盜堯衣裳聚跖  
荷兵青禽照夜三旦夷亡

未詳

大壯

獨夫老婦不能生子鰥寡俱處

無註

晉

鷦鷯竊脂巢於小枝搖動不安為風  
所吹心寒漂搖常憂危殆

鷦鷯小鳥竊脂即桑扈也

明夷

素車木馬不任負重王子出征憂危  
為咎

無註

家人

土陷四維安平不危利以居止保有

玉女

無註

睽

負牛上山力劣行難烈風雨雪遮暹

我前中道復還

無註

蹇

金城鐵郭上下同力政平民親寇不敢賊

漢關中金城千里天府之國也

解

清潔淵塞為人所言證訊詰問繫於  
叔溫甘棠聽斷昭然蒙恩

詩甘棠召伯行文王之化聽訟於

損

臯陶聽理岐伯悅喜西登華道東歸  
無咎

舜典臯陶作士岐伯岐山之下文  
王爲西伯至後三分天下有其二

益

低頭竊視有所畏避行作未利酒酸

魚敗衆莫貪嗜

益無註

夫

十雉百雛常與母俱抱雞搏虎誰肯

爲侶

無註

始

高阜山陵陂陲顛崩為國妖祥元后

以薨

無註

萃

六鷁退飛為衰敗祥陳師合戰左股  
夷傷遂以薨崩霸功不終

春秋僖公十六年正月六鷁退飛  
過宋都二十二年十一月宋公及

楚人戰于泓宋師敗績公傷股二



十三年五月公卒傷於泓故也

升

異國殊俗情不相得金木爲仇百戰

檀轂

無註

困

鷓鴣叫庭中以戒災凶重門擊柝備憂

暴客

易繫辭重門擊柝以待暴客蓋取  
諸豫

井

慈母赤子饗賜得仕獲夷服除以安  
王家側陋逢時

無註

革

剗迹惡人使德不通炎旱為災年穀

大傷

無註

鼎

躬履孔德以待東帶文君燎獵呂尚  
獲福號稱太師封建齊國

史記西伯出獵呂望釣于渭水載  
之以歸尊為太公武王立為師後  
伐紂有天下遂封于齊

震

征將止惡鼓鞞除賊慶仲奔莒子般  
獲福

按春秋莊公三十二年十月共仲  
使圉人牽賊子般于黨氏共仲即  
慶父閔公二年公子慶父出奔莒  
此云子般獲福不知何謂

良

良夫淑女配合相保多孫衆子懽樂  
長久

無註

漸

痿蛇四牡思念父母王事靡盬不我  
安處

詩小雅四牡篇云四牡駢駢周道  
倭遲又曰王事靡盬不遑將父不

遑將母

歸妹

水壞我里東流爲海鳧龜謹囑不得  
安居

無註

豐

東帛戔戔賻我孟宣徵召送君變號  
易字

未詳

巽

乾行天德覆贍六合嘔响成熟使我  
福德

周易乾卦彖曰大哉乾元萬物資  
始乃統天六合天地四方

允

秦晉大國更相尅賊獲惠質圍鄭被

其咎

按春秋魯僖公十五年十有一月  
晉侯及秦伯戰于韓大夫慶鄭以  
救公誤之遂失秦伯秦獲晉侯以  
歸十七年晉太子圉為質於秦十  
一月晉侯歸丁丑殺慶鄭而後入

渙

晦昧昏明君無紀綱甲子成亂簡公



喪亡

子當作午按春秋魯哀公十四年  
五月甲午齊陳恒作難簡公亡

節

三足無頭弗知所之心狂精傷莫使  
為明不見月光

無註

中孚

長夜短日陰爲陽賊萬物空枯藏在北陸

易通統圖日行北方黑道曰北陸

小過

依宵夜遊與大君俱除解煩惑使我無憂

無註

既濟

逐麋西山利入我門陰陽和調國無  
災殘長子出遊須其仁君

無註

未濟

請冀左耳嗇不我駢與我父母

無註

易林卷第十四